

KOVÍDH-19 VÉKSIN OR NANAN DHOILLA ESTHÁDHI



Véksin ólore kibáfe teés goraza

Cómosto véksin ókkolore, KOVÍDH-19 véksin cóho, sísilawari eshthádhi ar cék (zíñore dabai gorar amóli teés bouli hoó) gore, taáke aám maincóre maribór age véksin gín mahafúz, ar hamgoriboude íyan fákka gorifare.

Dabai gorar amóli teés ókkol goribíccot nanan grúp or maincór uore teés gora zoruri. Fótti grúp or maincór uore véksin gwa mahafúz ar hamgoriboude íyan fákka óibolla ricaác goróiya ókkol ottu kaafi óde édún maalumát dórhar o. Íyan kintu haásgori KOVÍDH-19 biarom ólla zoruide kiyálla hóile nanan dhóilla cómaj ókkole biaram íyan loi dorómoro luksan uthaiyear véksin máille cómaj gin múmmikka záito modót faibou.

Biccác Abar Toiyargora

KOVÍDH-19 véksin ólore oñnor éki zati yáto zatir nosól yáto oñnor dhóilla sehét or alamot aséde maincór uore teés goragiyéne íyan oñnottu sinta táitfare.

Zodi oñne oinno zatir manúic óile, oñnottu véksin íñore maitte haás báfana táitfare. Guzójjede ar sóledde cómot dabait zatfórok aséde íyan háñsa. Véksin íin ar íñore tóiyar gójjéde nezam ókkol zíine age oñnor cómaj ot biccác haráil, íñore zodi oñne biccác gorifáille oñne taajub óitfaro.

Ítara añár dhoilla manúic or uore teés gojjéné?



Véksin dui kisim -- Pfizer/BioNTech ar Moderna é Food and Drug Administration (FDA) (Hána ar Dabair Todarokir Tonzim) or torfóttu U.S (Amerika) ot maze Emergency Use Approval (EUA)(Emarjénsi Estemal or Ejazot) faiye. Fura duniyait cót cót véksin ókkol tóiyarir nanan tobkat maze ase. Bout véksin ókkol ore ainda kobul gorar acá ase.

KOVÍDH-19 véksin ólolla ricaác goróiya óle, cómaj or bútor abar biccác tóiyar gora ar taárar esthádhillá muktólif zatir manúic óllottu nizer issaye volanthiár ókkol ánar beci céctha gorizar. Ítararmaze muktólif zati, gúcthi ar bók, aro índhilla séhetor alamot ókkol cámel tákibou. Íyar agor véksin esthádhit goragilde íyattu bare beci nanan zatir manúic or uore esthádhi íñore gora giye. Muktólif manúic loi esthádhi íin gora giyéde íyan U.S or kulehale decóitta ólor uore esthádi gójjéde índhílla mone o.

Pfizer véksin esthádhi

Esthádhir 3 nombór tobkat múth manúic - tokoriban 45,000 zon

U.S ottu híssa loiya tokriban 30% óilde oinno zatir manúic (44% fura duniyairr).



(Esthádhit aséde repouth gora zati ar nosól or kisím ókkol.)

Tokoriban 46% manúic ottu homashom ékkan KOVÍDH-19 biaram or hótora baréde indhílla sehét or ocúida, zindhílla, beci mutha, miça biaram, ar soledde féccar biaram ase.



Esthádhit maze córik óiyede ítarar bók 12 oíte 56+.

Véksin or asórgorár antaz 95%: Asórgorá óilde é véksin máijja maincore hoddúr gomgori héfazot rakér íyan véksin no maréde maincor loi tolanagori maña. Nombór zeddúr beci éddur beci bala.

Moderna véksin esthádhi ókkol

Esthádhir 3 nombór tobkat múth manúic - tokoriban 30,000 zon

híssa lóiya 37% óilde oinno zatir manúic



(Esthádhit aséde repouth gora zati ar nosól or kisím ókkol.)

Tokoriban híssa lóiya ólor 22% ottu homashom ékkan KOVÍDH-19 biaram or hótora baréde indhílla sehét or ocúida, zindhílla, miça biaram, beci mutha, háçor biaram, soledde féccar biaram ar hoillar biaram ase.

Esthádhit maze córik óiyede ítarar bók 18 oíte 65+.

Véksin or asórgorár antaz 94%: Asórgorá óilde é véksin máijja maincore hoddúr gomgori héfazot rakér íyan véksin no maréde maincor loi tolanagori maña. Nombór zeddúr beci éddur beci bala.

Mahállár, elakár ar decór sehét or mahér óle zehon oñne faiba tohón KOVÍDH-19 or véksin mariloibólla mocúwara der.